



## **Centraal Bureau voor de Statistiek**

Inlichtingen: (+599 9) 724-1802

Adres: WTC Building, Piscaderabay z/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# **Komunikado pa Prensa**

Willemstad, 19 mei 2026

## **Desaroyo di preisnan pa konsumidó na Kòrsou pa luna di mart 2026**

**Willemstad:** Sifranan di Ofisina Sentral di Statistik (CBS) ku a wòrdu publiká awe, ta indiká ku e nivel di preis na luna di mart 2026 a subi kompará ku luna di februari 2026. E sifra índise ta 105,1 na mart 2026. E kresemento di februari 2026 pa mart 2026 ta 0,3 porshento. E sifra di inflashon pa luna di mart 2026 ta 1,7 porshento.

*Desaroyo di preis luna di mart 2026 kompará ku e luna anterior februari 2026*

E índise di preis pa konsumidó (CPI) di Kòrsou a subi na luna di mart 2026 kompará ku febrüari 2026. E sifra índise na mart 2026 ta 105.1 (na febrüari 2026 e tabata 104.7). Pa motibu di diferensia di redondeo (afroundingsverschil), e kresemento di februari 2026 pa mart 2026 ta 0,3 porshento.

Na luna di mart 2026, preisnan di 4 kategoria di konsumo a subi i di 3 kategoria a baha, mientras ku e otro kategorianan di konsumo a keda meskos. E kambionan di preis mas importante durante luna di mart 2026 ta : Transporte i Komunikashon (1.3%), Bibienda (0,5%), Bibida i Sigaria (0,3%) i Kuminda (0,1%). E siguiente kategorianan a bira mas barata : Rekreatshon i desaroyo (-0,2%), Mobelashon di kas i artefakt odi kas (-0,2%) i e kategoria di konsumo Otro (-0,1%).

## **Desaroyo di preis riba término largu**

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna).

E porshentahe di inflashon pues ta duna un indikashon di e subida promedio di kosto di bida i p'esei ta ser rekomendá komo instrumento pa indeksashon di salario, penshun, benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si midi e periodo di diesdos luna te ku mart 2026, kompará ku e mesun periodo un aña anterior, preisnan pa konsumidó na promedio a subi ku 1,7 porshento na mart 2026. E CPI promedio di 12 luna a desaroyá di 103,2 na luna di mart 2025 pa 103,2 na luna di mart 2026.

Pa mas informashon, por bishitá e wèpsait di CBS:

<https://www.cbs.cw/inflationprices>

////////////////////////////////////